

IXIAR BARANDIARAN ERRANDONEA

A Maila | Bertsoa | aipamen saria

Kaixo! Ni Ixiar Barandiaran naiz, ataundarra. 17 urte ditut eta Beasaingo Txindoki institutuan 2. batxilergoan ikasten ari naiz. Asko gustatzen zaizkit euskal dantzak, igeriketa eta lagunekin ibiltzea. Gainera, txiki-txikitatik izan naiz bertsozalea. Ea gustukoak dituzuen nire bertsoak!



AMONEI

Doinua: “Hamalau heriotzena”.

Amekin ta amekin

amarauna itxi

bizitzaren emaile

gure harribitxi

betidanik duzue

gizartea eutsi

nire amona diren

Adeli ta Kontxi

ezin zaituztet are

gehiago miretsi.

Ameskabiren bueltan

zurekin aritu

gaztaz eta menbriloz

postre infinitu

Kontxi, ilobak zaintzen

bazenun meritu

haur honek oroitzapen

ugari baditu

denak dira zurekin

nahiz zuk ez oroitu.

Esperientziz indarra

duzu irabazi

mundua besoetan

eukitzeko kasi

lana egiten eta

ordenan enfasi

noren antzeko naizen

galdegiten hasi

naizen guztia nik det

zugandik ikasi.

Adeli zuri ere
badizut kantatzen
Donostin bizi arren
ondoan sentitzen
zuri hauxe esanez
juten omen nintzen
“Hirin ez dakizue
euskeraz mintzatzen”
zuk jarraitu hizketan
ez nauzu nazkatzen.

Beti alaitasuna
ikusi dut zugan
ahul egonda ere
indartsu itxuran
aurrera egiteko
bizitzaren gudan
ez dakit ondo nola
ta naukazu dudan
emandakoa nola

bueltatuko dudan.

Amonak zuentzako

azken diosala

zaretelako nire

eredu erreala

zuek egurra eta

besteok ezpala

jakina denez ezer

betiko ez dala

ezin utzi esan gabe

maite zaituzteala.